

Wien, Österreichische Nationalbibliothek (ÖNB), Cod. 4746

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1753

P O L E M I C I .

1754

tur fol. ult. vacuo: Anno domini MCCCCLVIII° feria ante translacionem Sancti Wenceslai I. in XLma ante dominicam Oculi Georgius de Cunstat sublimatus est in Regem Bohemie per Barones nobiles et Ciuitates.

CCCCXLIV.

560 Codex partim membraneus, partim chartaceus, lat. Sec. XV. Folior. 226. 4. currente calamo scriptus, rubricisque distinctus est *Pars I. Harmoniae sive Concordiae Evangelicae*, cuius Autor, cum frequenter Job. Wickeffum cum proprio, tum *Doctoris Evangelici* nomine adpellet, ad *Bohemiam* Partesque *Hussiticas* pertinet, et fortassis, ut ad Exemplum mutulum *Cod. CCCCXLVII.* prolatum suspicionem movi, ipse *Hussus* est. Titulus Operis: *Incipit prefacio sive arenga ad accessum in Matheum.* Hoc tenore: *In dei nomine. Amen.* Quia karissimi, ut nostis res magna manibus nostris se offert, que vires nostras nimium excedit &c. Ideo ad fiduciam in Deum conferendum, fundendasque preceshortatur. Posthaec Prolegomenon instar tractantur hae duae Quæstiones: *Vtrum scriptura sacra per prophetas et apostolos de Christo deo et homine vero scripta pro omni sua parte quo ad sensum literalem sit vera.* Et: *Vtrum sicut partium scripture sacre datur convenientia, ita earum poterit dari perfectione superaddita et differentia.* Tum exposito Hieronymi in

Matthaeum Prologo Harmonia ipsa sic init: Lex seu doctrina evangelica perfectissima est, per se sufficiens ad regimen ecclesie militantis, cui non licet quicquam addere uel subtrahere &c. quam Thesin peculiari Opusculo a Job. Husso propugnatam habes Cod. nobis DCCCCLXVIII. et in Edit. Opp. ejus 1715. P. I. p. 55. Finitur haec *Pars* in expositione C. IV. *Lucae v. 30.* et subscribitur: *Finis huius prime partis anno domini M°. CCC°. XXXVII°. feria II. in die felicis martiris.*

CCCCXLV.

561 Codex chartaceus lat. Sec. XV. Folior. 169. 4. scriptus, uti praecedens, est *Pars II. Harmoniae sive Concordiae Evangelicae*, quae sic incipit: *Postquam a principio corporis evangelici agum est de ingressu saluatoris nostri ihesu in hunc mundum per eius conceptionem et nativitatem, et post hoc de eius progressu per hunc mundum per eius legislacionem — iam agitur de eius egressu de hoc mundo per eius passionem.* Hic itaque Historia Passionis usque ad Ascensionem Domini enarratur, fusiis multo, quam quidem inter Opera *Hussi* P. II. p. 12. terminaturque pia Lectorum adhortatione, protestatione, lapsumque deprecatione, cui subscriptum: *Explicit Scriptum super Quatuor Evangelia Mathei videlicet Marci Luce et Jobannis in unum concordata. Quod ad bonorem dei et proximorum profectum*

Wien, Österreichische Nationalbibliothek (ÖNB), Cod. 4746

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars II. Wien 1794.

1755

C O D I C E S

1756

fecit finitum est proxima feria VI. ante wenceslaij, Sub Anno domini millesimo quadringentesimo Tricesimo Nono. Adjunctum hic fuisse videtur Autoris Nomen, cui erao invidus quidam superinduxit: Compilator ignoratur, fortasse, quod Vulcanum metueret Hussitarum Scriptis olim fine discrimine imminentem, ut plurimum Codicum exemplo doceri posset.

CCCCXLVI.

486 Codex chartaceus lat. Sec. XV. Folior. 262. 4. sat bene scriptus et rubricis enotatus est *Summa quaedam Theologica* absque Titulo et Autoris nomine in *Alphabetum* digesta, cuius primus Articulus est *Absolutio* et initium, ut sequitur: *Absolutio dicitur tripliciter scilicet Absolutio auctoratiua. que soli deo convenit. Absolutio denunciatiua ex officio que sacerdotibus limitatur.*

Et Absolutio dispositiua, qua quis disponit se per veram contritionem ad soluendum propria vincula peccatorum &c. Ita deinceps Abstinentia. Abusiones duodecim. Acceptio Personarum. Accidia. Accusatio &c. Textibus Scripturae, Juris Canon. et Patrum sua stabiliter Adserita Nostra. Recentissimos citari video Hugonem Victorin. et Robertum Lincoln. illum XII. hunc XIII. Sec. Scriptorem, quin et Doctorem evangelicum, quo nomine apud Bohemos sibi adhaerentes Job. Wiccleffus fuit. Cujus itaque Scholae fuerit, patet ex Articulo de Ecclesia, ubi: Ecclesia katholica est congregacio fidelium predestinatorum et iustificatorum. Item: Ecclesia militans est corpus predestinatorum dum hic viat ad patriam. Quae Sententia est inter Job. Husi damnatas in Synodo Const. Similia observes in Artt. de tripli Mendicatione et de Papa. Ad calcem:

*Fructus adeat operis mercedem christe dona laboris
Nomen scriptoris si tu cognoscere uelis
Ma tibi sit primum thy medium asque ynum.*

Si ro Scriptoris denotaret ipsum hujus Summae Compilatorem, suspicari quis posset, *Mathiam* hunc esse a *Panow*, *Lanow*, seu *Janow* Theologum *Pragensem* a 9. in Academia *Parisina* exactis annis dictum *Parisensem*, de quo *Lupacius* in *Ephem.* ad diem 30. Novembr. et *Balbinus Bob.* doct. P. II. p. 177. Quem Virum quamvis et posterior hic et se-

cundus Editor ejus Catholicis accensere conentur, haeret mihi tamen in Professione Fidei M. Johannis Przibram apud Cochlaeum *Hist. Hussit.* p. 540. Articulus L. in quo M. *Mathiam M. Johanni Hus* conjungi video. Quoniam vero in *Summa nostra* non semel citatur *Parisensis*, ultra suspicionem supra motam vix quoquam progredi fas erit,